

PHILIPPOPOLIS.



PHILIPPOPOLIS, vulgò Philippe ville, appellationem cum ortu Anno à Christo nato M.D.LV. à Philippo Hispaniarum Rege sortitum, vnius à Carlomontio, siue Caroli Monte, Marieburgo sesquimiliaris interuallo distans, oppidum est, si quodpiam aliud, firmissimo murorum ambitu, propugnaculis, machinis muralibus, cæterisque omnibus, quæ ad diurnam obsidionem perferendam necessaria sunt, munitissimum. Eò namque abs Hispaniarum Rege excitatum fuit, vt inuictum esset aduersus Gallos Marieburgum tum occupantes, vallum ac propugnaculum. Medio latam habet aream, nundinis hebdomadatim celebrem, ad quam omnes oppidi plateæ, decenti ornatu, tanquam ad centrum conueniunt.

MARIEBURGVM.



MARIEBURGVM, à Maria Hungariæ Regina, Caroli Quinti Cæsaris iussu, paulò post id tempus conditum & nuncupatum fuit, quo cum exercitu Gallico Longeuallius & Rossemius Duces, hic Geldrus, ille Gallus, per mediam Brabantiam Lutzelburgum penetrarunt, Anno nimirum Domini M. D. XLII. Situm est inter duos fluuiolos, nomen alteri Gallico idiomate Alba, cui propinquum est, ad teli iactum, Alteri Nigra, abs quo dimidiato miliari distat. Abest Cimaco miliaribus quatuor, Montio vndecim. Inexpugnabile id oppidum est, & propter situm, & propter mœniorum firmitatem, in quibus ita quatuor propugnacula habet erecta, vt figuram oppidi quadrangulam reddant. Hic tamen, vt alibi, & fi dele militum præsidium, & sufficientem comæatus atque annonæ copiam requiras, neque illum præcias, per quem id accadat, quod Anno millesimo, Quingentesimo, quinquagesimo, quarto, cum quidem ignauia, imò, vt fama obtinuit, Risartorum domini prodicione, id oppidum in potestatem Gallorum deuenit, summa cum ignominia Præfecti, & cum grauissimo istius Regionis detrimento. Verum à Gallis, per eam pacificationem, quam anno millesimo, quingentesimo, quinquagesimo nono, cum Belgis transegerunt, Regi Hispaniarum Philippo restitutum fuit.

CIMACVM.



CIMACVM, territorij Namurcensis op. ad Albam flumen in nemore situm, ab Auenijs miliarium sex interuallo distat: Ciuium ædes habet sumptu atque splendore mediocres, & Principis palatium vnà cum hortis mirum in modum elegantibus, & amoenis. Principatus etiam titulo insigne est, ex quo Arschotanus Dux, cuius est dominij, Principis appellatione salutatur. Oppidum hoc bellis, superiore paulò tempore cum Gallis gestis, non semel vexatum, ac dirutum, nunc ita restauratum est, vt longè, quàm antea pulchrius sit, atque firmitus. Olim, ni fallor, edidit Ioannem illum Frossartum, qui tam grauitè sui temporis historiam, lingua populari conscripsit.

VALLECVRIA.

VALLECVRIA, egregium Comitatus Namurcensis oppidulum, à Metropolitana Namurcensi vrbe, septimo miliari distans.